



KNUT OLE OVERAA

Overå

6212 LIABYGDA

Saksbehandlar, innvalstelefon


Maria I. Aastum, 71 25 84 69

Stranda kommune - planting av utanlandske treslag på gnr9 bnr2 - Knut Ole Overaa

Fylkesmannen i Møre og Romsdal gjev Knut Ole Overaa løyve til utsetting av fjelledelgran for juletre- og pyntegrøntproduksjon på gnr 9 bnr 2 i Stranda kommune. Løyvet gjeld planting 7500 tre på eit areal på ca. 12 daa, UTM 6909160 402050, jf. avmerkt areal i på kartet nedanfor.

Løyvet og avslaget er gitt i medhald i §§ 4 og 5 i "Forskrift om utsetting av utanlandske treslag til skogbruksformål". Det er sett vilkår til løyvet.

Vi viser til søknad datert desember 2018. Søknaden gjeld utsetting av fjelledelgran (*Abies lasiocarpa*), på eigedommen gnr 9 bnr 2 i Stranda kommune. Plantefeltet er avmerka i kartvedlegget til søknaden. Formålet med utsettinga er juletre- og pyntegrøntproduksjon. Søknaden gjeld 7500 stk tre på eit areal på 12 dekar. 5100 av desse er allereie planta.



Plantefeltet (12 daa) er merka med raud farge



Utsetting av utenlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er *å hindre at utsetting av utenlandske treslag medfører eller kan medføre uheldige følger for naturmangfoldet*, jf. § 1.

Søknaden skal vurderast etter prinsippa i §§ 8-12 i naturmangfoldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følgjer for naturmangfoldet vektleggast. Det skal leggast særleg vekt på om treslaget og eventuelle følgeorganismar medfører risiko for uheldige følgjer for det biologiske mangfoldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følgjer for det biologiske mangfoldet, jf. § 7 i forskrifta. Utplanting av utenlandske treslag kan ha ein negativ påverknad på naturmangfoldet ved å endre den naturlege artssamansettinga og dei økologiske funksjonane på staden.

I følge søknaden er føremålet med utsettinga å produsere juletre og pyntegrønt. Trea blir difor hausta før dei set kongler, og feltet vert rydda etter at salgbare tre er hogde. Det er liten fare for spreieing av fjelledelgran til naturen kring feltet om vilkåra i løyvet blir oppfylt, jf. § NML 12.

I Naturbase er det registrert eit areal på Lauvvikane-Ovrå med tørr kalkfuru-skog med svært viktig verdi (A) rett aust for plantefeltet. Nord for plantearealet ligg ein naturtypelokalitet med rik blandingsskog av svært viktig verdi (A). Det vil vere uheldig med spreieing av utenlandske treslag til desse lokalitetane, noko det er potensiale for om trea får stå lenge nok til å frø seg.

Fjelledelgran er klassifisert av Artsdatabanken som ein art med lav risiko. Arten har per i dag ikkje nokon påverknad på norsk natur ut over den effekten dei har på det arealet dei blir planta på.

Vi har vurdert dei naturfaglege kvalitetane til plantearealet. Det er ingen registreringar i Naturbase i høve raudlisteartar eller andre relevante verdier.

Kunnskap om treslaget som skal plantast ut og effekten tiltaket kan få er tilstrekkeleg til å vurdere søknaden, jf. NML §§ 8 og 10.

Føre var prinsippet (NML § 9) er ikkje vurdert.

I samsvar med NML § 11 kan tiltakshavar påleggast å fjerne utilsikta spreieing av fjelledelgran. Fylkesmannen kan pålegge tiltak etter NML §§ 69-70, jf. NML § 28.

Den som har fått løyvet til utsetting er pliktig til å føre internkontroll, jf. § 10 i forskrifta.

Konklusjon

Vi vurderer det til å vere små negative effektar på naturmangfoldet i utsettingsområdet som følge av planting av fjelledelgran. Med bakgrunn i opplysningane i søknaden og kunnskapsgrunnlaget, vurderer vi spreieingsfaren som låg, og faren for negative økologiske effektar som liten.

Fylkesmannen i Møre og Romsdal gir Knut Ole Overaa etter dette løyve til utsetting av fjelledelgran på gnr 9 bnr 2 som omsøkt. Løyvet gjeld for 7500 tre på eit samla areal på 12 daa på avmerkt areal i kartet.

Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.



Når det gjeld internkontroll skal den sikre at dei tilsette i verksemda har kunnskap om reglane i forskrifta, herunder vilkåra for løyvet til utsetting, og at det er etablert rutinar for etterleving av reglane, jf. forskrifta § 10.

Internkontrollen skal som et minimum omfatte:

- rutinar verksemda følger for å sikre at krava i eller i medhald av denne forskrifta blir overheldt
- rutinar verksemda følger dersom avvik oppstår, og opplysningar om kven som er ansvarleg for at rutinane blir overheldt
- rutinar verksemda følger for å hindre gjentaking av avvik og opplysningar om kven som er ansvarleg

Vilkår til løyvet:

1. Feltet skal ryddast etter 15 år frå plantinga, dvs. innan utgangen av 2034. Dette skal gjerast slik at det ikkje kjem skott frå greiner eller stubbe.
2. Det er ikkje tillate å fjerne tre med voksedyktig rot frå feltet. Dette skal hindre ukontrollert spreiding av artane.
3. Dersom det vert oppdaga spreiding av tre utanfor plantefelta, skal desse fjernast, og Fylkesmannen i Møre og Romsdal må varslast.
4. Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.
5. Dokumentasjon (kvittering) på kjøp av plantar (tal på plantar, kva for art, evt. sort, samt årstal for innkjøp) skal oppbevarast saman med løyvet.

Vedtaket kan påklagast til Miljødirektoratet innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Linda Aaram (e.f.)
miljøverndirektør

Maria I. Aastum
seniorrådgivar

Dokumentet er elektronisk godkjent

Kopi til:

STRANDA KOMMUNE Øyna 13 6200 STRANDA